

壽

姑溪居士文集卷第九目錄

絕句

登山未還范景仁以詩見促次韻二首

次韻景仁海次西還二首

又次韻

栢臺自述四首

江西庄上久雨

路西庄絕句

宿采石

寄西庄梅道者



偶書二首

瑞竹即事三絕

書扇一首

立秋日書唐行成扇

題郭熙畫扇二首

又書扇

畫夫子扇

題畫扇二首

庄上書事

訪僧不值

天寧衆寮即事

宿吉先之學古堂

書于子高宅

書俞秀老詩卷後

寫裙帶

采石二首

浴南寺園頭求詩

源上人研

訪采石臻山主不遇

次韻湖陰韋深道五小詩

次韻東坡梅花十絕

贈呂煥

姑溪居士文集卷第九目錄

姑溪居士文集卷第九

趙郡李之儀端叔

絕句一

登山未還范景仁以詩見促次韻二首

撲面烟霞曉更嘉
偶隨藜杖訪仙家
斜陽不見登山屐
獨遠長溪折夜花

危墻烟際聳層城
潮落沙頭眼更明
不覺歸舟犯牛斗
天風吹下步虛聲

次韻景仁海次西還二首

留滯初春寂寞濱
眼明歸路一番新
何妨更作重來計
枝上微

紅解惱人

二月春陰到水濱
秋風重見玉蟾新
無端擾擾來還去
只恐沙鷗解笑人

又次韻

尋春何惜駐征鞍
只怕春歸不怕寒
故國山川無限思
我來仍得雨中看

栢臺自述四首

窮日惜：已死灰似沉習井念昭回
一聲霹靂起平地頓覺青天
萬里開

鑽龜打瓦不曾休
金注昏人豈自由
誰謂純誠無感格
會逢公

議報私讎

一夢揚州似隔生
輕舟來往但貪程
莫年敲棘兒童念
風物依稀媿此情

熬：內火戰驕陽
鶴淚風聲便着忙
波浪翻天誰與渡
却應甘井是慈航

江西庄上久雨

去秋欲雨不得雨
今春望晴還未晴
蝼蟻尚知為自便
強將私意與天爭

路西庄絕句

麥未登場已插秧
更憂雨過水還傷
一生能着幾量屐
白髮蕭

蕭祇管忙

宿采石

江聲隱隱風前恨
鴈陣喧喧枕畔愁
更覺孤衾如潑水
始知今夜宿山頭

寄西庄梅道者

因緣時節本相期
只恐蹉跎醉似泥
洗盡從前留意處
何憂金臂不提携

偶書二首

元宵燈火鬧遊人
偶向忙中得此身
淨几明窓塵不到
弄黃先見一枝春

通中玉冷夢偏長
花影籠階月浸廊
挽斷羅巾留不住
覺來猶有去時香

瑞竹即事三首

芭蕉葉密柿陰濃
散髮西窓到晚鐘
霹靂一轂三尺水
旱天方信有真龍

纖絳不挂汗如傾
一霎風來夢乍驚
自是人心有涼思
強將連葉作秋聲

鴨脚初成綠未齊
芭蕉仍在柿陰西
推遷節物均如此
眼界何須苦自迷

書扇

會稽陳迹久荒蕪流落江城墨未枯
好向溪邊示行客問人能出百錢無

立秋日書唐行成扇

自古逢秋悲寂寥我言秋日勝春朝
晴空一鶚排雲上便引詩情到碧霄

題郭熙畫扇

蹇驢破帽聳鳶肩石裏長松欲到天
六月塵埃汗如洗始知立意不徒然
嫺：涼風八月初試揮椽筆寫江湖
還家預想迎門喜爭問今年得意無

又書扇

幾年無事在江湖醉到黃公舊酒壚
覺後不知新月上滿身花影倩人扶

畫夫子扇

烟梢雲頂石巖根溪壓輿梁曉乍分
車蓋定尋何處路皇：猶想為斯文

題畫扇二首

曾記終南雪裏山王峰瓊岫聳巔
屹風流轉入丹青手畫作江城六月寒

落筆無因似退之每逢佳致却如癡
孤高全露秋來骨無復山

紅間碧時

庄上書事

柱礎猶蒸濕未休懸知雨意未全收只憂場上芽生稻不厭田
間水拍溝

訪僧不值

我來獨愛南天竺公去誰烹北苑茶賴有清風猶好客掃門楊
柳影交加

天寧衆寮即事

不看經也不叅禪時去時來又一年祇願闍黎終有信大家留
取草鞋錢

宿吉先之學古堂

停驂假館雪初晴學古堂中氣象新多謝故人無棄我一爐軟
火煖如春

書于子高宅

兒童鷄犬語聲喧桑柘縈紆綠蔽川斗覺門庭蘭玉盛更將簫
鼓樂豐年

書俞秀老詩卷後

荆公賓客晚多奇休嘆穰侯見事遲雨過半山初睡足何如蟲
力負山時

寫裙帶

輕裙碎摺曉風微弱柳腰肢穩稱衣更剪垂虹平窄地隻鳧似
恐見人飛

采石二首

雲山夾岸去層々來往扁舟恨未能更有尋常最佳處無風一
日到金陵

鷄籠山下是和州隔岸聞呼見點頭不見東歸夜郎客錦袍誰
共醉扁舟

洛南寺園頭求詩

一重洗盡一重生塵垢昏人不自醒會得栽茄種瓜意始知松
竹本來青

源上人研

過嶺傳衣不傳鉢何事眼裏更着柶欲識黃梅半夜心踏着稱
槌硬似鉄

訪采石臻山主不遇

入門不見主人公座具袈裟在眼中更有山童會人意畧無一
事許相同

十年采石寄漂蓬廣濟雖名寺亦空將為新來有消息依前山
不結蓬籠

次韻湖陰韋深道五小詩

髭鬚瀟颯面嶙峋怪我多非舊日人百里拏舟誰復念却應情

重故情親

書去書來又一年祇應提處是虛鞭相逢會得筆頭語莫惜頻
尋酒裏天

江頭風浪似重関幾許行人限往還不是多情過相與肯將一
葉犯銀山

三山磯雨列山風我亦頻年強自雄不負蛟龍竟何事祇疑身
世屬江東

新來句法宛如陰端與袁公伴陸沉未易偏師壯秦系劉郎戈
甲舊成林

次韻東坡梅花十絕

誰人月下奏雲和一夜繁枝向北多長笛未須論舊恨且留幽
思待陰何

姦雄投老戀層臺隨得分香散處開枝上休論歌舞舊尊中且
泛綠於苔

弄藥攀條日幾回依稀長記雪中開塵埃滿袂家山遠底事多
情拂眼來

軟火明窓酒一尊餘盃未減日尤昏誰人為折柬來閣續得何
郎日斷魂

黯黯危腸獨九回故園誰對此時開撚來聊把倚孤枕更擬慙
勤入夢來

病餘憔悴拊空尊子細思量意却昏便覺陽和振枯槁不須方
士致幽魂

初見今年報信花定從清淺綴橫斜無言對我應惆悵不復當
時處士家

玉作肌膚雪作衣剪裁風月綴寒枝上池可飲偶無路空愧當
年帶下醫

漏泄天工意不輕傍春依臘獨分明孤高不作繁紅伴造化須
知別有情

姑射山前舊卜家天香真色倚風斜不須簷蔔分高下要是東
皇第一花

贈呂煥

紅爐歡坐臘燈長豫借春風發艷粧流水落花無限好却應雙
鬢恨劉郎

姑溪居士文集卷第九

姑溪居士文集卷第十目錄

絕句

舟泊采石

和州太守曾延之置酒鼓角樓

延之置酒當利樓侍人勸酒

延之置酒連雲觀北望丘墟掩翳相與凭欄感嘆因書

之

延之置酒南園因書柱上

何子家有巨竹數頃因成絕句

曾延之置酒後閣供帳酒饌物々皆內出侍人以裙帶

求書

延之問及當塗近事云君殆能容忍我不及也胡不遷
居于此便治館因口占為謝

口占呈延之

雜詠四絕

書龔彥本莊壁

同彥本兄弟泛舟

彥本鄰庄之屋相與就閱遂書其壁上

龔深之曾約相從偶不及而深之逝矣獨過其所約之
地遺像儼然感愴不已因書其事

初入褒禪山

褒禪知客求書

褒禪齋後獨出三門步深山久之

遊華陽洞

自褒禪寺東轉將過大乘路中

欲過大乘先寄祖燈禪師

將過大乘薄晚不能到既見祖燈以寄一笑

湯泉終到便問浴處何在戲呈長老

題苦竹寺後亭

再過苦竹飯于寺前客邸

絕句七首

和張文潛贈楊妹

宿觀音寺三絕

謝范守惠鵝

畫鴨二首

畫鵝兒二首

姑溪居士文集卷第十目錄

姑溪居士文集卷第十

趙郡李之儀端叔

絕句二

舟泊采石

經年欲到竟無繇
便路今朝得暫留
弄月燃犀俱未暇
潮平且欲過西州

和州太守曾延之置酒鼓角樓

樓臺烟樹接平蕪
水墨丹青十幅圖
認得黃山家住處
雲中相對似相呼

延之置酒當利樓
侍人勸酒

寶洲齋
雲山遠近淺還深宛轉愁顏頓不任獨有綺羅知此意故拈金
盞十分斟

延之置酒連雲觀北望丘墟掩翳相與凭欄感嘆延之
以所持扇見授云不可不記也因書之

後壠前岡一色松飯舍冠劍幾悲風今朝笑語明朝哭莫厭尊
中酒不空

延之置酒南園因書柱上

尊前景氣朝々別醉裏歌呼處々新一度拈來一回好主人須
信異于人

何子家有巨竹數頃因成絕句

老綠陰森鎖畫寒兒孫延裔不知年欲歸頓失來時路一似烏
風暗雨天

曾延之置酒後閣供帳酒饌物々皆內出侍人以裙帶
求書

御醅盞畔千頭菊椽燭光中四和香紅粉莫嗟霜滿頰也應歌
處似周郎

延之問及當塗近事云君殆能容忍我不及也胡不遷
居于此便治館因口占為謝

胯下淹時豈不知故人疑我似陽癡一塵固願授陳相只恐鋒
車便見追

延之云久遲公來不謂迫之乃肯顧我既開此路却當
以匪人為津梁矣致我佳客敢忘其德口占為戲

一水相忘輒自疲青氈情厚失先期從今不比鸕鷀數更欲棠
陰借異時

雜詠四絕

人間所樂寧過此一事都無有俸錢更向豐年觀割稻須知身
是地行仙

老呼穉舞報豐年極目黃雲欲際天旋搗新粳供晚飯只愁閑
夢攬安眠

解籜新篁綠未分弄晴啼鳥語如文翻風葭莢全疑雨對岸峯

巒便是雲

平生粥飯寄伽藍老日田園強自添豈自着靴踏泥客如何不
許甃深潛

書龔彥本莊壁二絕

青黃赤白千畦稻遠近高低四面山舊約買鄰今已決却憂無
力伴躋攀

重陽過了十二日階下黃花方盛開節物參差何足較且浮新
藥共銜杯

同彥本兄弟泛舟過北山

橫截西山一葉輕曉奩初發鏡中行異時常作玻璃觀却恐丹

青畫不成

彦本鄰莊有欲售其所舍之屋者相與就閱遂書其屏
上與彦本為約

求田問舍太遲生棟宇終逢眼便明憑仗經營須占早連牆祇
恐負柴荆

龔深之曾約相從偶不及而深之逝矣獨過其所約之
地遺像儼然感愴不已因書其事

德公期我此聯裾獨捨扁舟斷夢初蕙帳一燈如晤語淚痕空
對兩龍駒

初入褒禪山

近山回抱錦為屏金碧高低始眼明四十年来勞夢想白頭方
喜慰平生

褒禪知客求書因以荅之

霜林班駁抱園田曉日初昇宿霧開憶得舊遊懷小杜分明回
望繡成堆

褒禪齋後獨出三門步深山久之

兩脚都忘力不勝穿雲度壑信騰：林深鳥獸知無迹時見遊
山一兩僧

遊華陽洞行十餘步水阻而回

洞在褒禪側有呂
公書華陽後門字

篝火宵深興轉濃可堪潭水斷來踪祇疑終有蛟龍護玉室金

寶光齋
堂未許逢

自褒禪寺東轉將過大乘路中

不覺離家二十日山林城市恣延緣定因曾作和州客長見鷄籠在眼前

欲過大乘先寄祖燈禪師大乘甚貧新開堂

大乘此去有幾里聞道祇園近布金但恐鉢中無客飯止期經宿謝知音

將過大乘薄晚不能到既見祖燈以寄一笑

踏盡田塍轉盡山芥塘猶在夕陽間主人縮地元多術何事今朝時見慳

湯泉終到便問浴處何在戲呈長老

欲從曠口過金陵不惜湯泉兩日程因就故人求一浴何妨隨例得身輕

題苦竹寺後亭

竹映丹楓轉短籬有花開處盡空枝春風想見如鋪錦惆悵來遊不是時

再過苦竹飯于寺前客邸

隼旟訝呼引紅粧花帽追隨入醉鄉今日再來如斷夢主人依舊進黃梁

絕句七首

寶齋
海燕初飛掠水輕
醱開就始人明旋傾煮酒嘗青杏
唯有風光不世情

萬腔腰鼓打梁州
舞罷還催步打球更借纏頭三百萬
阿奴要徹第三籌

情隨榆荚不勝飄
心似楊花暖欲銷
擬借瓊林大盈庫約君孤注賭妖嬈

謾尋蝴蝶却成癡
欲趁蜂兒轉更疑
自是心情怕時節不如閑處伴黃鸝

程氏園當尺五天
千金爭賞並朱欄
莫因今日家、有便與常時兩樣看

的、枝頭淺、黃未先
顏色占年芳任是剪成香
更裂鼻根眼界謾商量

齋盂洗罷日方中
簾影低回破睡風
試問新浮一甌乳何須親到廣寒宮

和張文潛贈楊妹

草、聲名等漏卮
相逢佳處暫舒眉
我方擊節聊乘興君可忘憂莫見疑

宿觀音寺三絕

倦聽簷間點滴聲
棲禽初報曉來晴
分明市舍人爭語清濁高低各有情

鳥啼鵲噪趁初晴百舌新調燕羽輕滑：竹鷄催布谷聲：鷓
鳩喚流鶯

留滯江南又一年燕巢初就鵲殼喧一番風竹搖窗外猶異曾
來紫玉軒

謝范守惠鵝

玉翎紅紫小池中雙入筠籠寄病翁不是山陰親換得自慙書
學久無工

畫鴨二首

野塘浴漾夕陽時風淡雲閑草半歌會得騰身振衣否不教春
色在花枝

道人筆力與春爭五彩都將墨染成新浴羽毛犹更葺似疑顏
色未分明

畫鵝兒

殼裡生涯殼外天天真雖判尚茫然只應未解長依母每向沙
頭獨自眠

畫鵝

人間今復見丹青生意初侵造物靈却笑山陰何所得尚須辛
苦寫黃庭

姑溪居士文集卷第十

姑溪居士文集卷第十目錄

絕句

書羅氏屏風四絕

謝荊州太守

題隱者壁

題漁家壁

偶題六絕

訪瑄上人值喫葱茶

七夕

東山

閑坐

壬辰春試終場王德循置酒登月閣邀丁希韓甚歡夜
分方罷

清明日淨因庄早飯罷遂遊洪福有懷巨載元確因致
別約

同榮天和遊石城

謁錢公振李與幾

再過李欽之宅憶希武

題李仲山金影軒

題黃蘗泉

次韻贈答洪覺範五首并序

五言絕句

題畫扇

挽詞

東坡挽詞

石敏刪若定挽詞

李希武挽詞

濮道甫挽詞

郭功甫妻孫夫人挽詞

李府君挽詞

弔王承議二首

姑溪居士文集卷第十一目錄

姑溪居士文集卷第十一

趙郡李之儀端叔

絕句三

書羅氏屏風四絕

淨練平鋪月上時
無人吟得謝郎詩
酒酣直欲捉倒影
千古風流幾箇知

鼓聲絕罷香烟起
湧出潮音滿座寒
為問如何第一義
等閑拈却面前山

一到山頭却下山
終朝只在翠微間
白雲本是無心物
何事高低伴往還

日：春禽百轉新明窓，
日淨無塵平生似有叢林分禿鬢，
何為尚滿巾。

荆州太守送白玉泉酒兼詩云：第一荆州白玉泉，
蘭舟載與中仙且須捉住鯨魚尾，
恐怕醉來騎上天。次韻答之。

荆州太守紫微仙，
遠寄漁翁白玉泉。
長釣久垂魚未食，
為君一醉卧長川。

題隱者壁

聞道全家隱鹿門，
竹籬茅屋寄江村。
龐公事業無多子，
只有平安遺子孫。

題漁家壁

賣酒罾魚止數家，
卜鄰還在水之涯。
扁舟定向桃源去，
斜日紅開兩岸花。

偶題六絕

霜風刮地鴈連天，
野舍衾寒感舊年。
獨有多情夜來榨，
床頭滴滴慰孤眠。

洛陽城裏見秋風，
欲作家書意萬重。
復恐忽說不盡行人臨，
發又開封。

行人猶未有歸期，
萬里初程日暮時。
唯愛門前雙柳樹，
枝葉不相離。

長溪新雨色如泥，
野水陰寒盡問西。
楚客天南行漸遠，
山樹

裏鷓鴣啼

數卷新遊蜀宛詩長安僻巷得相隨草堂雪夜携琴處况似青城館裏時

不覺六月初八日還是去年瓜熟時鞭藉竟誰能致曲定自昭昭終可期

訪瑄上人值喫葱茶

軟火明窓紙帳低一椀初報午來鷄葱茶未必能留坐為愛高人手自提

七夕

銀漢風休月對弦靈橋長挂罷星填從今祇恐情先老無復佳

期又隔年

東山

南山不見、東山白鷺時、自往還為問天公幾時雨定因薄相故能慳

閑坐

鴉銜遺秉赴飢鷹老特時傳喚犢聲凡物有生皆有樂不堪孤坐淚縱橫

壬辰春試終場王德循置酒登月閣邀丁希韓甚歡夜分方罷

寶炷芬敷散瑞烟月移花影上欄杆角聲又報梅花弄只恐歸

時夜更寒

清明日淨因庄早飯罷遂遊洪福有懷巨載元確因致
別約

老禪期客煮園蔬少憇西鄰日轉初萬白千紅好時節斷魂空
付兩龍駒

憶尋春色過何郎西寺傳來墨有香安得薰葭真倚玉再邀花
影上迴廊

同榮天和遊石城

樹密山深鎮雨涼西州陳迹舊丹陽相逢莫話當時事且約清
心感妙香

謁錢公振李與幾

軟火明窓一炷香歲交時節夜來霜須知錢李饒風味却媿已
歌污錦囊

再過李欽之宅憶希武

客窓孤被探深寒一夢從來已六年獨有可人無復見尊前談
笑尚依然

題李仲山金影軒

金影風光小洞天藍橋有路隔雲烟玉壺叩盡應能語早晚光
明焰座邊

題黃蘗泉

住菴老子不復見傳法阿師追不回飲水能知大愚意一拳真是打爺來

次韻贈答洪覺範五首并序

覺範以余有收成之行作六字詩五首敘別既解后于崇因遂出以相示而句中謂余東坡客也頗復推借浮實舊章又有玉堂之約因次韻

念盡已知木偶多聞早慰詩流北海幸君知舉東家未我為丘豈為彌天蓋世却未作戲逢場可是因人尔耳要非皆我堂問舍求田底事乘流遇坎方時且向忙中作蚤敢從作者論詩立玉無因再倚坐荆偶此同班老去誰開東閣朝來空對西山

俛俯誰為荆棘崢嶸謾自波濤休說花磚步日且尋烟雨飛舠

五言絕句

題畫扇

白頰饒春思梅梢喜可知聲催爛熳定是雪晴時

挽詞

東坡挽詞

從來憂患許追隨末路文詞特見知肯向虞兮悲蓋世空慙賜也可言詩炎荒不死疑陰相漢水相招本素期月墮星沉豈人力輝光他日看豐碑

石敏刪若定挽詞

萬年風采屬當時墮地能班世有見夢筆方傳符昔應玉樓何
事遽先期無由負弩瞻前導空嘆騎鯨去不疑老矣無從忘肉
味餘音犹幸接吹簫

李希武挽詞

十年枯木不知春每向尊前得可人申叔共瞻雲外翼元賓豈
是轍中鱗揚帆巨浸方期遠推輻窮途定有因後學徒誰識頭
角祇應遺藁是通津

濮道甫挽詞二首

暮雨江邊寄一犁多情鄰老共差池平生意氣幾如俠晚日詩
書更有兒社酒方期終歲樂葵蕭俄感送人悲紛々窮達都歸

盡誰復聲名是舊時

個儻胸襟孰可侔生平行樂自優游坐望更漏綦盈局醉徹笙
歌月滿樓千頃田園常富足幾朝冠蓋舊交遊佳城今日悲埋
玉亘古傳名信不休

郭功甫妻孫夫人挽詞

率己名無媿成家德可尊蘋蘩招壻婦翰墨見兒孫孰不承慈
訓俱來哭寢門詩人難再得彤管員詳論

李府君挽詞

賣藥韓康伯著書河上公幻同聊復尔緣散却歸空獨有鄉人
淚難勝薤露風我来嗟已晚犹及想冥鴻

弔王承議二首

崎嶇南北舊相聞
晚困羈縲託後塵
盜賊餘風如振槁
里閭和氣似深春
雀巢絕探終能
擊烏喙雖長自不
伸所去見思猶可
想九泉齋恨彼何
人

征西墓上木成圍
伯氏傳孤出更奇
皂蓋朱輪誰不擁
青天白日晚方知
功名不挂非由種
賻賵終辭信有兒
空指丹青訪陳迹
倦懷尤恨得君遲

姑溪居士文集卷第十一

姑溪居士文集卷第十二目錄

贊

自作傳神贊四首

折渭州畫像贊

沈存中畫像贊

保寧機道者傳神贊二首

崇因欽老贊

淨慧璘老贊

西菴璞老真贊

儲居士真贊

李太白畫像贊

東坡先生贊二首

靈巖愿老真贊

靈源禪師真贊

報恩邦禪師真贊

李伯時馬贊

畫龜贊

須菩提贊

慧林正老真贊

布袋和尚贊

俞秀老畫贊

俞清老畫贊

寶覺旰長老贊

壽寧宣老贊

為僧作石菖蒲贊

為人作真贊二首

文忠公畫像贊

為僧作真贊

吳思道朝服畫像贊

又道服贊

銘

銘予所携歛硯

韋深道硯銘

圓硯銘

舊硯銘

硯銘三首

姑溪居士文集卷第十二目錄

姑溪居士文集卷第十二

趙郡李之儀端叔

贊

自作傳神贊李伯時畫

似則似是則不是縱使擠之九泉下也須出得一頭地休論捉月騎鯨到了衆人皆醉

又

時雌時雄時白時黑不是徐翁異身又非豐干指出蓋優哉游哉聊以卒歲浮沉于物而不膠於物者也

又

孰從而圖孰從而狀大千俱空况尔幻妄直須壁立千仞要且
事無一向雖然覲面相呈便是本來形相

又

意中迥有千般思筆下原無一點塵自笑頑冥一村老忽從今
日換精神

折渭州畫像贊

龍章鳳姿燕頷虎頸巍々堂々弗巖而整山納海容霜根雪節
可畏而親力莫之幹吾私淑諸一代之英多取益給欲掩滋明
長庚未艾白氣何來精爽如在佳城不開出卯則角墮地而班
豈無所遺駮驥方閑高牙赤烏雅叔惟虎有之似之千載一武

赳赳植植彼徒見謂他日凌烟寔光前詔

沈存中畫像贊

先天弗違聖時以乘人謀鬼謀其誰與能彼雖淵密我則揆叙
萬目交張維綱之舉展也吾人一世絕擬孰友多文宛在中址
用此以通亦以是窮自崖反矣凜然孤風

保寧機道者傳神贊

一回拈起一回新覲面相逢那處親口似含珠殼似虎情如止
水氣如春一心為法無餘事四海如公有幾人祇恐丹青傳未
盡更須圓相助精神

又

萬點寒鴉一輪秋月時節因緣因誰漏泄眼光如電舌如雷遠
頷鬚眉滿頭雪若問人間大導師踏着稱鎚硬似鉄

崇因欽老贊

真如會中相見了也崇因堂上因甚出來一滴曹溪初無二味
大冶精金豈有他色雖然畫得分明要須重新注出十二面相
忽然開不是僧繇誰會得

淨慧璘老贊

法雲會中多聞第一瑞竹堂上說法無雙降徑山龍則雨必應
候祝崇寧壽則香不妄招將謂有多少神通元來只這般面目

西菴璞老真贊

一住姑熟溪頭三據寶華玉座草木無不沾恩緇素幾多證果
世人盡愛西菴璞誰知屢試紅爐火雖然覲面相呈也要從頭
覷破咄鈍置殺人

儲居士真贊

敏以自求仁而樂施鄉黨懷其恕朋友畏其義悟幻妄之不留
惟精進之是利故能告所厚而表其行歛衆美以昌其嗣尚慮
吾志之未孚遂復有形于夢寐嗚呼斯豈今人之願力歟見者
寧不知媿

李太白畫像贊

舉目一世空無人當時何有高將軍龍騫鳳翥固莫群晴天萬

里惟孤雲冥、何地非埃塵我欲從之嗟此身形容不到浪自
分坐令魯叟悲獲麟

東坡先生贊

東坡仙人岷峨異稟導日而升弗類斯擯有繼皇、期之真枕
誰其止之成是貝錦天作人遠言何從諗聞已聳然見孰不凜

又

天作斯文萬物所印時恹時舒與天同運其誰特立卓哉吾人
黃且落矣蔚然常春見險弗止自信無悶求仁得仁于我何怨
光時顯被外薄四夷載瞻載仰百世之師

靈巖愿老真贊

法不孤起隨處有人一花既開無地不春現滿月相轉大法輪
似雷雨作解如山川出雲不向人偏衫襟裏喫飯而于孤峯頂
上化身

靈源禪師真贊

滔、汨、莫知其出汪、洋、隨圓隨方故八萬四千偈不離
于當處而五千四十八卷皆作戲于逢場山谷老人所以強名
之而無媿姑溪居士又從而雪上加霜咄只這便是靈源叟何
須更上炤默堂

報恩邦禪師真贊

荆山美璞霜天一鷄可薦郊廟志存寥廓逢場作戲隨病予藥

信與祖佛齊肩直是模索不着

李伯時馬贊

竹批雙耳風激四蹄振尾頓鬣會於一時惟伯時父神而明之
千載相遇非公而誰

畫龜贊

鱗介所宗壽無與京納錫以薦曳尾而行與其託之于死骨孰
若遂性以為生余私淑諸蓋將卒歲以沉冥

須菩提贊

敷坐而坐如日初曉護念付屬一時俱了非此老人其誰能表
漫自形容本無欠少

慧林正老真贊

高坐清涼道場截斷東南路口一萬菩薩列在下風天下衲僧
聞者稽首挺超佛越祖之意氣有抽釘拔楔之妙手拶得額頭
汗出又向王舍城中哮吼

布袋和尚贊

盛着底是病拈出底是藥衆生以相見我却道風狂顛錯秋來
葉落歸根春去鳥啼花落只這便是生涯說甚重々樓閣

俞秀老畫贊

青山白雲中人對面若不相識笑我吟咏自如終
身得度住平常人窠窟誰謂半山多
口却作豐干指出
居士

俞清老畫贊

說者便知姓名見者誰不歡喜雖如自起自倒要乃無此無彼
冥：三板緣中隨處逢場作戲欲問涅槃一路頭：只在這裏
寶覺昕長老贊

法雲地中得度慧炬光裏法身在處淘金揀玉隨緣運祇通津
偏解抽釘拔楔更能因語識人且道有相無相休云是真非真
壽寧宣老贊

石霜山中二虎後世見孫無數堂：大為古佛一身普炤裏宇
別出壽寧一枝又作慈雲法雨他時侍立坐邊徃：呵佛罵祖
為僧作石菖蒲贊

葉磨數仞劔惟有清風剪不斷根亂一窩絲纏定白雲寒不散
水無沙石無苔師乎一片心清哉

為人作真贊

王良不作世絕麒麟是可欺邪豈無後人誰其似之維烈武孫
武則似矣而濟以文氣已萬里方爾就秣風雲其時會如兔脫
儼然是則現居士身幅巾白拂無一點塵以無塵故始終一如
數顯忠數功固非兩途

又

茅茨為居脫粟為餐牛衣自暖徒行亦鞍凡人皆友是酒可歡
畧不踐迹未嘗恤言山林城市隨遇即安一旦義重殺生非難

彼強增飾寧知吾全蓋庶幾不淫不移不屈者而以樂吾之天
文忠公畫像贊

霜空無雲秋天澄霧炤然政通何勞鍾簏儼然望之希世一遇
萬折方東逢坡益注

為僧作真贊

虎頭燕額將軍之相雪檜霜松山僧之容以是而見胡來漢現
換轉面目瞻之不足盛哉七百聚徒何殊在網之魚若也向此
提撕却成土上加泥

吳思道朝服畫像贊

可畏而親不扶而直藝表士林望高王國如在廣遠鵠立柱石

翼：眉間嘗滿黃色

又道服贊

濃眉深眼出塵之相幅巾燕服經世之狀有時收世界于一粒
粟忽然乘長風破萬里浪固知透過六輪可謂森羅萬象本誰
鼻端揮斤先生信是神匠

銘

銘予所携歛硯

黃池張氏故物其子見遺

有腴好事儲以資玩謂予可享輒犢而薦我不能書亦匪能文
愧尔誤投時出于温煤將重山筆或可冢庶吾之傳有見必拱

韋深道硯銘

馬肝色荆玉璞爛然一星如出海角來萬

圓硯銘

惡圓喜方乃士之常隨方而圓以救其偏方圓以時有矩有規不失吾中則方有時而不通因以濟用則圓有時而為重故君子方以守之圓以行之本末相權而自達于規矩之外夫是之謂深道之研而姑溪居士所以銘之而不疑

予所用舊硯已斷復接相從三十年偶洗之覺其哀相

已見為作銘

分荆秀之所鍾激荆湍之所激膩理瑩質如削瓜而加拭售吾之所狂狷共吾之所窮寂間墜而裂旋亦無隔豈同吾朽壤之化乎抑矣奕世之所典則不吾見于發揮終安得而汝識

硯銘

理密而質堅體潤而形圓不知得墨之難易但見隨手疊生雲烟心必資之而乃見言必俟之而後傳非吾人孰克有之永寶用之無窮年

又

比德君子溫潤如玉肉好畧分中實具足窮天下之智巧必資

人以形容盡萬物之變遷曾不繫其盈縮惟其有以稱之庶幾
力行而不斂

又

以相而見聖逢之研益之以銘未免曲斷雖則如是事無一邊
筆頭落處萬象燦然

姑溪居士文集卷第十二

姑溪居士文集卷第十三目錄

表

代人賀德音表

代人賀正表

代人賀聖節表

代范忠宣公遺表

啟

賀致政太傅

賀樞相轉官

賀樞密太宰

賀運使大卿轉官賜金紫

謝發解舉人

任河中府萬全縣令謝太守舉

謝郭樞密

回賀新及第

姑溪居士文集卷第十三目錄

姑溪居士文集卷第十三

趙郡李之儀端叔

表

代人賀德音表

上帝降康已昨無疆之址大君有命俄覃在宥之仁精誠已格
于天人德澤遂均于動植中賀竊以視民如傷則纖悉畢煩于
一覽舍己從衆則勤勞兼任于人難既思慮之弗忘故節宣之
或爽皇天后土灼知宵旰之所因珍劑妙工為得晨昏而促効
不更累日遽已親朝噓枯吹生大布風霆之令滌瑕蕩垢一新
雨露之恩歡忻雖阻于周行抃蹈實同于蠢類恭惟皇帝陛下

平恕御下清明在躬發揮累聖以收功度越百王而圖治幸今
親覩亘古未逢自然協氣之符致滋勿藥之喜仰惟魏闕愈知
舜日之明嘉與邦人載效華封之祝

代人賀正表

端辰謹始盛典正容表萬里之咸寧肅群工而在御榮敷動植
慶浹華夷中賀恭惟皇帝陛下六藝之宗百世所俟潤色大成
之業發揮通駿之聲故于會圖籍之朝而乃修禮樂之事景風
適應方蟄戶之回春黼座中嚴燦繁星之拱極非特知天子之
貴于是識聖人之時就日瞻堯已幸躋仁而共域同心戴舜更
期保壽于無疆臣偶假麾符阻趨軒陛嘉与宵翹之類交深忤

舞之誠

代人賀聖節表

惟天降命為民作君式屆令辰挺生元聖瞻重瞳于舜日想盛
禮于漢廷謳歌蚤物協于當時夷夏同傾于此日恭惟皇帝陛
下仁舒化國道御時龍如大川之方增出庶物而獨運善述寧
豐之典則久符堯禹之安榮故能廣文王通駿之聲備既醉太
平之福卜年過曆保壽無疆臣嘗忝從班遼叨帥節賴一人之
慶方均被于羣黎上萬年之觴阻進陪于列辟但同華祝逞慶
嵩呼

代范忠宣公遺表

生也有涯難逃定數死之將至願畢餘忠輒留垂盡之期仰瀆
蓋高之聽中謝伏念臣賦性拙直稟生艱危忠孝雖得之家傳
利害率同于己欲未始苟作以干譽不敢患得以營私蓋嘗先
天下之憂期不負聖人之學此先臣所以教子而微臣資以事
君粵自治平擢為御史繼逢神考進列諫垣荏苒五十二年首
尾四十六任分符擁節持橐守邊晚叨密宥之求再席鈞衡之
任遇事輒發曾不顧身因時有為止欲及物固知盈滿之當戒
弗思禍釁之陰乘萬里風濤僅脫江魚之腹三山瘴癘幾從山
鬼之遊忽逢睿聖之臨朝首及織芥之舊物復官易地遣使宣
恩而臣目已不明無復仰瞻于舜日身猶可免或能親奉于堯

年豈事理之能諧果神明之見嗇未獲九重之入覲卒然四體
之不隨空慚田畝之還上負乾坤之造猶且強親藥石貪戀歲
時儻粗釋于沉迷或稍舒于報効今則膏肓已逼氣息僅存泉
路匪遙聖時永隔恐叩閣之靡及雖結草以何為是以假漏偷
生剗心歷懇無皇慈之俯鑒亮愚意之無他臣若不言死有餘
恨伏望皇帝陛下清心寡欲約己便民達孝道于情微擴仁心
于廣遠深絕朋黨之論詳察邪正之歸搜抉幽隱以盡人材屏
斥竒巧以厚風俗愛惜生靈而無輕議邊事包容狂直而無易
逐言官若宣仁之誣謗未明致保佑之憂勤不顯本權臣務快
其私忿非泰陵實謂之當然以至未寬流人之徃愆悉以赦恩

而特叙尚使存沒犹汚瑕疵又復未解疆場之嚴遂空帑藏之積有城必守得地難畊凡此數端願留聖念無令後患常軫淵衷臣所惜者陛下上聖之資臣所愛者宗社無彊之業苟斯言之可採則雖死而犹生淚盡辭窮形留神往

啟

賀致政太傅

伏審寵辭宰鉉榮陟公槐從優佚于燕申稱褒榮之典策式揚大號允服輿情竊以經為帝師而輔太平之基行應世表而全廉尚之節載籍所紀振古罕傳都門祖二疏之行功名熟見昌黎賢佐丞之去體貌未隆又曷若伊尹致堯舜之君告歸于亳

周公成文武之事請老于豐茲大臣出處之遠猷實達人止足之高致恭惟致政太傅相公受天間氣為國元臣德茂典型智周体用蚤由舊學夾聖日于虞淵進秉鴻鈞調化元于商鼎泰山北斗雅望素高崑玉秋霜清標可仰濟功成名遂之志激頑廉懦立之心神明相其壽考華夷想其風采大雅卓尔榮觀超然某假守江濱竊依鈞芑徒劇向風之慕阻修擁望之誠屬炎景之屆辰蘄天倪之多祉

賀樞相轉官

恭審孚號揚廷策勳錫命巖瞻胥悅燕賀均驩竊以國家發政施仁均布蓼蕭之澤修文偃武一陶行葦之風豈險固之是圖

偶閔防之弗戒，蕞爾蟻聚，肆彼狼貪。上軫淵衷，僉言謀帥。靈旗直指，過者化而神者存。廟筭出奇，戰必勝而攻必取。爰整鷹揚之旅，坐觀鼠技之窮。雪見現而日消，竹迎刃而自解。迅驅雷電，誰當赫々之王。師生致梁魁，豈漏恢々之天網。帶礪益壯，袞繡有輝。恭惟樞密相公，蘊命世之宏材，韜經邦之遠畧。敦詩書德，義之本密。告嘉猷，兼將相威儀之多式。昭異數，挺忠誠以許國。運精神而折衝，勲德俱高。邦家永賴，用錫爾祉。召公揚江漢之休，惟斷乃成。裴相建淮蔡之績，某備員遠部，竊仰焚躔，欣聞七德之定功，共慶萬邦之為憲。

賀樞密太宰

伏審罷膺帝制，正領樞廷。渙號式頒，師言允協。恭惟樞密太宰相公，學通精祲，才瞻經綸。袞衣繡裳，久繫巖瞻之重。高牙大纛，夙嚴閭寄之威。遂膺夢卜之求，入摠謀猷之要。文武是憲，允為百辟之師。將相多儀，實作萬邦之屏。折衝帷幄，論道廟堂。俾庶物各遂其生，無匹夫不獲其所。某希風有素，依廈實深。雖叱馭以驅馳，尚據鞍而矍鑠。逃聞除命，倍切駭惶。

賀運使大卿轉官賜金紫

伏審光膺宸命，峻陟華資。煥然章綬之便蕃，穆若絲綸之褒拂。凡蒙庇賴，實倍欣愉。恭惟運使大卿，嶽降時才，天生良佐。騫翔棘寺，綽著徽猷。摠領漕臺，獨高籌畫。不絕糧道，如見錢流。沔被

渙恩榮加晉錫德可久而業可大自結主知衣之美而佩之光
允符輿議佇聞鋒召亟踐禁嚴某代匱下僚久依屬部未展望
塵之拜已馳賀厦之誠

謝發解舉人

辱貽瑰瑋光賁衡苑載佩謙冲采深感戢竊以先輩道惟務本
學必逢源廣坐劇談固已折經生之角運斤善斲善蓋嘗汙巧
斲之頑挾萬選萬中之文勵一飛一鳴之志登龍好語方傾耳
而聽之晝繡言歸更拭目于觀者

任河中府萬全縣令謝太守舉

雪見晁而自消魚隨陽而必躍蓋公明而仁恕俾惡沮而善揚

輒傾悃誠上黷嚴聽伏念某學慙製錦政謝割鷄第知王事之
勞寧恤衆情之翕訛卓茂廢置嘗貽笑于密人子產章程亦見
訖于鄭國矧茲綿薄驟領劇煩才既無長性多忤物孰能飯蔬
而無怨固多射影以司熾利舌如刀斐辭若錦原其所自請試
叙陳大姓強宗扶門資以凌貧弱假衣詭辨託儒名而蔽善良
外則遊談過客之邀需下則浮惰未業之縱博一切杜絕俾迪
規繩非曰能之蓋其職也然寒鄉與弱植易搖投杼可虞市
虎足畏儻非特達之眷孰推芘覆之仁伏惟知府待制盛德兼
容華光博炤菲葑不遺于下体荼苦必察于人言薦禰之章已
蒙提掖與點之志不替初終某敢不銘嘉惠于肌膚書格言于

紳帶勉聽驅策用答生成

謝郭樞密

一麾出守漸應變之非長千室鳴絃藹餘風之未遠有規于前者必隨于後圖政于舊者當告于新仰黷高明輒伸悃素恭惟樞密太中學探性妙識造覺先仁也柔而義也剛直其內而方其外至誠格物踵尚父之風猷遺澤在民樂細侯之惠化首燕臺之衆俊揭漢鑿之高標左掖南臺踐揚滋久北門東馬敷納居多粵自出殿大邦逢時多故惟蕃垣屏翰之重寄資爪牙心膂之元臣扞禦寔勤寇攘遠屏眷滋潛邸之舊簡于側席之求俄名節之促臨慶繡裳之入覲某迂踈無取矜式有依丁茲報

政之初採于遺老之誦汰礫在後徒勞拊字之循、着鞭已先景仰穀光之赫、馳詠良劇固既敷宣

回賀新及第

被恩北闕擢第南宮凡與交游舉增慶慰伏惟新恩宣德才當數面筆掃千軍早歲飛轂頭角已竦于同隊青春射策文章果中于甲科愧賀牘之未遑辱高文之先及銘懷感篆幅楮奚陳

姑溪居士文集卷第十三

姑溪居士文集卷第十四目錄

啓

權知開封府開封縣回章丞

回謝涇州教授

任河中府萬全縣令轉宣德郎謝漕使

回謝諸縣知縣

回賀越州黃通判

謝人啟事并寄詩

賀薛左轄移鎮洛陽

賀王憲解元

謝韋深道賀復官

謝陶師中貢士

賀人轉官

謝金陵舉人

姑溪居士文集卷第十四目錄

姑溪居士文集卷第十四

趙郡李之儀端叔

啓

權知開封府開封縣回章丞

士論推稱久欽雅望官塗南北未覲清標方嗟會遇之難遽有
叅承之便傾依所激瞻詠弥深恭惟知丞宣德地胄高華天姿
爽拔温々之德裕然而有容華々之才卓尔而無敵早登膺仕
亟著能猷豈惟契合於當塗矧見翱翔於要路暫丞一邑聊畜
遠圖某幸此同僚將獲連事協心戮力期共濟于公家妙語高
談當款陪于暇日

回謝涇州教授

誦風雨之詩恨未識面辱瓊瑤之贈曠若披雲諒惟公餘默有神相伏惟教授宣義性天清昶門地高華學深游夏之淵源文揆卿雲之黼黻早揚令聞自陟巍科謂當金馬之游尚承絳紗之擁佇膺紫詔即步丹墀愧賀幅之未修辱飛緘之先及永言感佩曷究敷陳

任河中府萬全縣令轉宣德郎謝漕使

切以仕版官聯葭有絲毫之補勲司考績誤收歲月之勞法雖循常恩實忝冒此蓋伏遇運使郎中兼容有德延譽及人肆如哀朽之微亦辱吹嘘之重致蒙帝渥濫被官蹤某祇奉簡書莫

遂登門之謝仰瞻棨戟但增引領之誠

主管定州安撫司机宣文字回謝諸縣知縣

英聲夙著未諧披霧之瞻謙柄自持遽辱朶雲之賜退循孱瑣第切驚慚伏惟知縣宣義間氣受天清標映物水鑑洞知其宿弊陽剛淬發於新硎月轉花陰不聞一犬之吠風搖麥浪即看隻雉之馴行奉璽書入趨丹禁某衣冠冷裔蓬梗餘生慚無霹靂之才猥贊芙蓉之幕仁鄰可伏願分霄燭之光德宇非遥更丐靈河之潤

回賀越州黃通判

伏審顯膺帝誥榮貳侯邦公論攸歸輿情胥悅伏惟通判學士

才兼文武學洞古今睿眷益隆宸衷簡在未遂攀龍之志少施
展驥之才雖遇盤根豈勞游刃致海沂之大治深賴王祥與峴
首以並傳當嗤鄒湛某向風惟舊慕義實深未遑柔訥之修先
辱華緘之貺

謝人啟事并寄詩

湖海地偏雲泥路絕已分廢人之淪落難忘聖日之光華間遇
便風獲承近問惟方今取舍之惟義知吾君親信之得人矯
天馬之軌群堂、寶鼎之瑞世獨先流輩允屬高明恭惟某官
以自天降之材值不世出之主精神會聚無非道德之幾微朝
夕討論博盡典謨之淵懿展衍緒餘之暇低回吟詠之娛篇、

可奴僕以命騷句、真瑚璉之為器始終于學詞林由是而愈
光遠近趨風善類倚之而增重載惟晚偶叨此親逢居常想像
以馳情幾歎滯留而莫覲敢圖委睦遽辱賜書何啻賢十部之
夸不覺在萬人之上伯樂既顧幾成冀北之空毛遂何堪頓感
囊中之効門庭夏阻歲月易遙尚稽叅際之榮倍劇傾依之悵
江干猶熱都下已涼益衛寢興永扶昌盛

賀薛左轄移鎮洛陽

伏審光奉命書寵司留鑰便道將承于密對疏恩還序于近班
夷夏所期天人胥慶恭惟某官以自得之學值有為之時即之
也溫無一瑕之可指屹然不轉經百汰以弥精故能進退之間

尤見表儀之心暫均勞于巨屏已報政于再朞虫魚草木靡不
識其至誠教令條章皆可師為永法方歌廉而有託欲借寇而
未遑雖衮衣赤舄久已佇于公歸而白叟黃童想難勝于綿戀
某本為棄物適寄異鄉追路莫從朔風增喜行荷制麻之降續
申賀牘之勤殘暑未除 是祝

賀王憲解元

平世往還不過數時懷詠常有餘思樂馳騫者世之本情安退
常者人之難事蓋有諸中者則固 分金務在外者或未免于
繇夢是故 朝之心以在家必聞為可賢所以科場之設乃因
時制宜而不廢果諧遴選首得吉人恭惟某人言行相章氣質

甚茂非知之而亦允其蹈是達也而不苟于聞榜名既傳于論
胥樂皆謂積年之考察寧免有妨遂收一日之優長未為過譽
式符賢路之兼取不碍學制之審求然此時遇窘于他從但聞
報喜至于不寐欲圖慶屬以戒行旌庶申不腆之陳獲托承言
之際用輒蹭蹬尤劇傾馳不虞臚楫之初遽辱長牋之貺雍容
盛服若投先進之絕倫璀璨高文弥愧過情而非據讀之而飽
足人意服之而增重心期由余入秦驚府庫之未 宣子適魯
知典禮之具存僅逃舞馬之成妖劣似飛蠅之識赦雖已嚴于
報謝尚有負于修裁低徊抱麥鞠魚之嗟荏苒幾風馬牛之逸
文獻不類悚報何堪于是勉為其已晚矣實來虛往固難瓊玖

之酬誠確望專行聽雲龍之會願附霜鍾之應別馳玉燕之私
謝韋深道賀復官

伏念某間閔晚節流落倦途加之憂患相仍所以志氣頓盡雖
然竹栢之操不以時遷其如歲月之遙何以自處尚賴二三君
子方懷九萬鵬程每容接翼以扶搖惟恐素志之摧折笑談委
曲簡牘週旋遂忘失路之嗟豈復異鄉之感烟雲朝暮坐視去
來魚鳥林泉分甘終始凡得此處莫非見貽不圖例奉於詔音
驟使復還于仕籍衣冠顛倒無復儀形賓客過從恍疑夢寐載
循忝冒敢昧依歸此蓋伏遇深道居資粹中和學非俯仰好
義若飢之欲食設心如水之在盤因其自得之長致此愛忘之

過首頒慶問備寫至情字、有經真可謂之辭達句、不苟尤
佩服于風期適作應于群來故稍稽于脩報庶几全度未遽嚴
誅春物正繁德門密跂更希調御下副傾馳

謝陶師中貢士

天下之患常係乎不得其人聖王之心所貴乎無為而治雖名
分之必正或事理之相違詰所以馴至此途蓋在夫未嘗留意
先皇帝肇新科舉之制今天子嗣成教育之方謹其月書季考
之文叅以里評巷議之實討論如是以明脩俊造自然而次升
靡一介之濫居果多才之彙進况乎首貢豈是常珍乃所謂鳴
則驚人似非徒學以干祿伏惟某人身雖家食心則天遊白黑

寶光齋
中分故談者之辨卓尔而默識英雄外發蓋君子之道闇然而
日章陋彈缺之興嗟不輟耕而取用彼勤謹積成其効我終出
便占其先糊名既開士論胥慶鄉先生則云見面有數郡太守
亦曰聞風甚高不辱其勸駕之恭將表乎絕類之舉寧拘中下
徑躡優長佇騰大隊之雄深切當世之務黃香來從江夏終號
無雙杜牧賦就阿房豈止第五某早蒙垂顧繼幸通名適期款
曲以相從孰謂倉卒而引去修途茲戒大軸遽臨感佩不遺之
誠但深非據之愧寒暄未定保衛善持欽遲光輝別圖裁叙

賀人轉官

切審顯被命書寵遷連帥伏惟慶慰竊以賞罰人主之綱紀用

舍要在乎適中是非國論之權衡輕重務歸于至當故居上者
操之以御其衆在下者體之以見其長實萬類之低昂係一時
之休戚今天子別邪辨正有當如皎日之當中諸近侍效德協
忠何異大川之方至既抑揚之無愧頌授受以寧慙恭惟某官
色正而芒寒業茂而器博總五材而並用駕六藝以相先片言
之傳得之者率皆心服每事之舉聞之者莫不景從是宜朝夕
以輔聖明詎應頃刻而遠左右天下望之如山岳衆流赴之犹
江湖佇觀麻制之行超進齋壇之拜某寄身窮壤託芘後塵雖
未識荊州之賢然不廢子虛之誦哀頽末路瞻望何時適逢隆
盛之期獨鬱贊揚之願尚應餘日獲遂趨風欣抃所深仰馳滋

甚

謝金陵舉人

頃從眉山兄弟之遊獲承禮部文章之美竊謂龍蟠虎踞之地
信多金聲玉振之英萍泛異時悵餘塵之已隔風流別地驚晚
秀之方榮典刑如存嘆慕何已亟欲乘閑而會面又慮以聞而
投人展轉此時相詠增愾殆四百數之較藝殆一二人之中程
凜乎誰敢自期巍然果在高選遂將趨賀客之後真能紆積日
之懷有田一廛適居收成之際聞風數舍遽興留滯之嗟不虞
還家解鞍之初輒當盛服長牋之禮造語警拔蔚有緒風寓言
週旋退委無似惟素期之已晚幸來日之可圖伏惟某人先輩

不愧名家善緝新學絕黏頭綴尾之陋有矢口載筆之成鄉校
久居諸生固已歛衽禮闈既闢齊轂皆謂得人上不負朝廷養
育之深下足慰有司考定之審竚觀軒陛鼎傳賜第之優越在
里閭獨能側耳以候

姑溪居士文集卷之十四終

姑溪居士文集卷第十五目錄

啓

謝君俞

謝仲輝

答人謝解

上少傅相公啟

覃恩謝時宰

賀時相除少保

答監司

先狀

姑溪居士文集卷第十五目錄

姑溪居士文集卷第十五

趙郡李之儀端叔

啓

謝君俞

比階勅旨例改官稱息出非常愧莫能已竊以浮沉江上粗安
魚鳥之遊繾綣籍中何異縲紲之繫自知罪大而不赦耶從漏
盡以偷生雖天日無咫尺之違而氣息僅須臾之保灶不烟者
屢矣衣不時則常然尚恃仁聖之足依終無魑魅之或禦不謂
匪人乘間凶焰輒加幸其疾病之餘幾成鋒刃之迫殘終不負
毒手遽回偶逃出胯之羞尚虛嘗膳之效方且散收魂魄粗葺

田園誓將老烏豈復他也果吾君之軫慮因加礼以推恩既使
名不挂于刑書又昇澤均蒙于士類固常情無足道者在鄙分
不其榮哉非交遊曲賜週全則哀墮寧容叨忝此盖某人先輩
高明絕儂道義相先以其常叅博約之餘遂乃頻借齒牙之論
措陳人而窃笑孰不為曹閔失路以無從或能加恤疾風勁草
獨不顧以見收弔影孤鴻獲相依而苟免適圖申叙遽辱寵臨
端蔓苦腴真詞人之法則包羅引據備前輩之工夫豈惟礼意
之俯投抑亦楷模之遠借續膏反復夕鼠恠其驚嗟緩筆抄謄
鄰雞忽尔彈唱既已成誦更當深藏藹然祥光之燭人當知至
寶之在筭永言委眷未易為酬

又謝仲輝

伏蒙仁私以某例進一官時賜慶問者切以用不用固有其特
才不才各言尔志然昧者多失于遜之尾厲而君子常罹乎羿
之彀中匪兇匪虎而終樂于不容之相安如玉如瑩則未免乎
爰變之或異盖得自是而不得自是故知亦罵而不知亦罵就
使再思而後行未若三己之而無愠莫、葛藟惟條枚是施泛
泛揚舟姑浮沉與俱誦言冀保于終身改過務勤于愛日間闕
白首黽勉清時敢與牛後之嗟但有鷄鳴之畏窃謂庶几免矣
不圖忽尔及之自觸駭机上蒙恩貸遷之善地假以餘生方還
係之初駭聞中外及既行之後孰不嘆嗟終辭縲絏之艱遽攬

溪山之勝實疇昔願到而不可得豈羈纒所在而輒見投出處不疑人人略無少間循習既久種々靡不相宜所賴者方時善類之尤親所得者昔人陳迹之可見遂使六年之久不殊三組之歸殆此序遷出于望外求其冒昧亦有端倪此蓋某人先輩氣識曲敦矜憐俯逮察其介而不僻忘其老以奚為每至游從間之過辱吹噓之重溜渾何辨要乃同流笙磬各音終成合奏致茲孱漏更得褒揚載搜子建之波瀾宛若燕公之黼黻字々有據如古人特為推排表々愈工非哀緒所能窺測但驚口角之流沫又知筆下之生風用謹家傳永為文格

荅人謝解

伏覩解名可謂精選眷言歆艷莫不嘆嗟凡在流傳猶為企仰况與游從之末惟深欣抃之私竊以經術取人其効固以久矣文章選士方時尤見卓然非有司所養不凡則賢者安能至此先皇帝作新善類王荆公啓迪士心尚貽未盡之謀鼎傳將聖之子發揮大智協濟徽猷遂使青都紫府之仙於時輩出坐令黃茅白葦之論無復誤談光昭三代之風超出百王之上念塲屋之有素未欲驟更幸羅網之無遺特存此舉孰光吾党果獲當仁伏惟先輩天馬軼群寶鼎瑞世筆端稼穡未嘗螟蟻以傷年腹襄陽秋能使蚩髦之右社雖無上舍下帷親切之對乃有東奔北徇縱橫之才魯人易止蓋亦流俗之常態吳軍入郢始

知智士之收功更期體此以自強會見排空而直上禹門三級
已觀頭角之成魏闕九重行接羽儀之次竊憐哀陋雅荷眷存
泛聽鄉評實逾已得崎嶇猥事適慚脩慶之未遑煥爛雄文遽
辱寵臨而俯及既餘光之舊挹非鄙語之能酬但驚肯首之屢
形可信擊節之不暇敢輒騰于紙貴姑自謹于家藏庶几兒孫
得為資藉

上少傅相公啓

伏審惟天降命隨世效珍克協令辰肇登至寶眷言國器通稟
睿謨遂膺誕告之榮兼邁聲華之寵非他人之可得蓋此義之
與俱是豈苟然者哉定應卓尔故也竊以荆人之璞豈出古今

秦相之書實侈圖畫尤為曠世之遇獨高傳國之稱曾未若地
貢而時乘之天作而聖名者昔未嘗覩斯能有聞審昭錫于時
鍾置靈承于顯佑適丁元日方丕勗之增嚴臨受端朝擁寰區
之交忭信乃非常之盛事允為不朽之宏規洪惟六藝之宗迥
超一旦之選果階幽贊首被疇庸殆無官可以為酬姑易地稍
茲序拜叨光有素伸慶當先僅能踴躍于鋤犁之間不獲俯偃
于賓客之後門庭在望誠意則通恭以少傅相公以天下第一
之材叅域中寡二之舉經綸康濟莫非行可之逢緝熙光明率
皆自得之學每奏則如水赴壑凡用則猶陶轉鈞可謂腹心之
親何止羽翼而已粵自薦隆名于上帝奠懿冊於方丘合宮奏

功路寢侈舊畫前人之所覃恩恢歷代之所靡違以至總覈便御之儲發揮太上之秘遂致天人交格用能教化廓新竟符河洛之祥益隆廟社之鎮餘才兼暨小物必勤炳如耳目之傳傑出詩書之載然畫九州者禹也堯享其成而播百穀則棄烏舜因以重君臣相遇之如是道德不謀而自同但知嘆訟於無窮詎復形容而可究暄融已屆叅侍尚遙永介壽祺愈康賢業

覃恩謝時宰

駒犢雖從既已還於天性乾坤委鑒蓋深察于人情眷言資藉之階敢昧依投之素是為再造固非徒然伏念某頃失防閑自昭罪累在苒桑榆之迫遂巡溝壑之歸先世之傳終餘一子孤

老所託更無兩兒零丁門戶之僅存展轉蒸嘗之可懼切謂興滅繼絕者本先王之盛事且復祈哀請命則幸先主之親逢加之廟堂輔相之臣志同伊尹與夫帷幄親信之士道契唐堯莫非忠厚以疇咨悉繫仁孝而將順輒忘幽遠莫效誠忱重惟緣木以求魚孰為脫罟而解網載念勢可乘而易失深虞辰去速而難回然支離攘臂已自分于終捐而罔象求珠幾無心而偶得比騰符報宛類夢驚雪涕拜恩何啻死生而肉骨有識更嘆亦知造物之因人此蓋伏遇某官遂萬物以為心恥一夫之弗獲舉昂絕臏而不遺餘刃力操刀必割而適契斯時於事如飲食之須以身任風教之率從容宥密得衆人之所未聞潤色淵

微皆曠古之所不到輔成一王之法蔚為百世之師倘非傑出
之差同安能相遇之至此雲間可想行自慰于掃門泉下有知
豈不懷于結草况在孱瑣已誓糜捐何止今生更期他世

賀時相除少保

伏審誕告在庭寵優建節既重元戎之貴增嚴亞保之崇弼予
一人榮被四表流傳所暨懽忭實均辱記齒牙之間可量頂踵
之慶肖翹雖類踴躍遽知窈以有為之君必得有為之助非常
之事必協非常之謀是以雷動而風行故曰雲騰而雨降方冠
百王而絕詣將超萬世以永圖若非周公其人曷副成王之志
登堂宏構肇新帝者之居翼之舊章舉出聖謨之斷上侔乾象

俯合禮經先皇帝神靈在天固應顯佑諸執事智慧乘勢自然
景從初無億兆之離心允屬二三之同德總提制度尤仰高明
伏惟對越恩書昂開華觀歆激士夫之勸闡揚宗社之儲孰不
奔走于下風可謂希濶之盛際恭以少保相公惇大閱遠克實
輝光自始繼承即荷腹心之寄迨躋秘近愈隆旦暮之親所與
者潤色之先驅所臨者輩流之殊軌主上倚多聞之益學者宗
獨步之師蓋非堯舜道德弗陳于前而捨文武謨烈不啓于用
代天工而惟一贊皇極以履中矢言皆載籍之精微動容真列
位之標則譬之射者至之又能中之况于樂為盡矣不可加矣
信一代之豪傑乃六藝之津梁適丁斯時爰契休命祖述憲章

之大備篋已無虧財成輔相以得宜美茲為久人事至此物理
可期體貌固殊都俞斯在眷言德望之集豈特私淑之歸庚伏
正炎鈞履增衛傾馳向往倍萬等夷

答監司

竊伏海濱聞暴公子之名惟舊不願侯爵識韓荆州之面為難
異時旄節之來臨適幸里閭之托茫方行臺之便道偶南畝之
告工阻陪父老之迎倍結蓬茅之恨繼圖申款獲奉誤加敢虞
名姓之踈輒與齒牙之錄退惟忝冒進有依承某人表瑞特鍾
為時間出所過則化每舉則優獨高衆允以安脩常覺化人之
惠少固當垂紳正笏都俞軒陛之崇孰謂掌漕即戎展轉江湖

之外定應有待少俟奏成將幕府之暫開已鋒車之促駕雍容
法從紬繹廟謨盡將未究之奇申錫無彊之祉側聞去旆行就
過家有可望之程而復此差池懷危得之逢而何當慰浣情斯
愈固心弗謂遐某例窘漂浮適從逃避願承賓客之後輒拘道
路之難猶意俯存曲垂矜亮其為戀慕實異等倫火老金柔山
悠川遠更希保重以大光明

先狀

偶乘扁舟將叩會府雖類剡溪之訪戴寔期荆渚之見韓叅奉
可涯欣榮無喻

姑溪居士文集卷第十五終

卷之四